

十國邦交與東亞十一

仁義與任事者皆天祐

威四境元龜首于民

國文與易步習

國七

古傳八

湯武 平狄

國引

本國

國使

國一

十國春秋卷第四十一

仁和吳任臣志伊氏祺

杭州沈九如宣子氏闕

昭文周昂少霞

重刊校

前蜀七

列傳八

鄭頊

潘岷

李紘

鄭頊延陵人高祖建節西川以頊為節度押牙言論風

采傾動一時景福元年朱全忠時為宣義節帥高祖命

頊使於全忠全忠問劍閣道路險易頊極言其危峻全

忠曰賢主人何以過得項曰若不上聞恐誤令公軍機耳全忠大笑遣之武成初官宣徽北院使未幾授內樞密使輒擬發唐道襲奸盜狀道襲以計去之出爲果川刺史

潘旼蜀人也博學善持論美風儀高祖鎮西川時署爲押牙天復元年東平王全忠初兼四鎮高祖使旼往聘以通彼我之懷旼至汴言辭宛轉飲酒一石不亂每過飲禮容益莊全忠愛之酒酣謂旼曰押牙尚能作豪飲乎旼謝不敢全忠乃簇席問叵羅尊罍器皿次第注酌旼一飲而盡愈益溫克全忠卽徹諸物賜之意其歸館

應傾寫委頓已令人偵阮阮方簪笏簪冠子徐理所得
酒器滌而藏之一時號爲雅量

李紘仕高祖爲將作監梁太祖殂命紘如汴弔之先是
梁使來聘其印有大梁入蜀之文至是遂鏤其印曰大
蜀入梁之印紘有專對才國人頗稱其不辱君命

論曰鄭頊文藻壯美應對有餘潘岷三爵悠然德將無
醉皆足稱皇華之選若李紘弔問鄰邦不抗不墜要於
二子無媿矣

張格

許寂

王鐸

庾傳素

張格字義師或云其小字世爲河間人唐左僕射溶之

次子也少負才俊邁而尚矯謫有父風乾寧三年濬致仕居長水縣別墅德王廢立之際濬寓書諸蕃圖匡復及青州王師範起兵欲竄取濬爲謀主事雖不果而梁王全忠將謀篡代密諷張全義圖焉乃令楊麟率健卒圍其墅殺之時天復三年十二月也永寧縣吏葉彥者張氏待之素厚當麟來彥偵知之奔告格曰相公之禍不可免郎君宜自爲計格與濬父子持泣濬謂之曰留則併命去則遺種汝勿以吾爲累格拜辭以行彥乃統義士三十人送渡漢江而旋格由荆江上峽入成都高祖擢爲翰林學士是時患亂人士多依兩川以避難高

祖雖起戍伍爲人饒智畧善待士故所用皆唐名臣世族而待格恩禮尤異武成元年拜中書侍郎同平章事累加右僕射太傅梁使盧玘等來聘推高祖爲兄印文有曰大梁入蜀之印格白高祖曰唐故事奉使四裔其印文類此今梁以兄事陛下奈何以外域卑我高祖欲殺使者格曰梁有司過也不可絕兩國歡格由是益見信任居無何太子元膺之變起時後主封鄭王年最幼而順聖太后爲賢妃有寵陰令飛龍使唐文展以金百鎰貽格諷格請立鄭王爲皇太子格心動以爲是可術取也乃夜爲表示功臣王宗侃等詐言受密旨衆皆署

名而後主遂得立。是時文展居中用事，格附比於外，與司徒毛文錫等爭權，勢若水火。會高祖聞太子喧呼聲，心惡格而未有以發，以賢妃內爲之主，竟不能去也。及後主嗣皇帝位，文展旣獲罪死，王宗弼方柄用，貶格茂州刺史。楊玢許寂、潘嶠輩皆坐格黨謫官。頃之，再貶格維州司戶。自是格勢漸詘矣。乾德六年，復以格爲中書侍郎同平章事，在位無所短長。國亡，隨唐工部尚書任圜入洛，感葉彥舊恩，訪之。彥已歿，厚卹其家。格弟播，今字興師，長水之難作，奔於鳳翔。唐昭宗賜姓名曰李儼，命宣諭淮南，亦異數也。

許寂會稽人少棲四明山學易于晉徵君天復五年趙
匡明來奔寂與俱行高祖聞其名而館之及開國以爲
左諫議大夫判門下省武成初上求賢書曰歷朝之君
乘時啓運莫不博訪髦士詳求碩畫以武定禍亂以文
致康義故軒皇命六相虞舜舉八元伯禹拜昌言成湯
師一德周有多士文王以寧此前代之大經求賢之極
摯也今百辟之中有謀可以策國勇可以盪寇或博究
治體或精知化源未擢穎於明廷尚舍光於庶位者伏
望恢明聖之畧開戶牖之圖親賜顧問以觀其能寘之
列位盡其獻替俾官無敗政人無滯才高祖嘉納之俄

以廣成先生杜光庭薦與徐簡夫同侍東宮不爲元膺
所禮未幾擢吏部侍郎天光時後主卽位坐張格黨貶
官久之復爲禮部尚書乾德六年拜中書侍郎同平章
事是時格再爲宰相以宿憾杖殺中書吏王魯柔寂謂
人曰張公才高而識淺戮一魯柔他人誰敢自保此取
禍之端也唐師入境同王錯等降唐至洛以尚書致政
葺園館引水爲溪架巨竹爲浮梁謂竹可化龍號曰會
龍橋後以疾卒寂初在四明山時被道服往還其間一
日見有夫婦者提壺醢云今日離剡縣甚瘁寂曰道路
頗遙安得一日及此心竊異之俄而丈夫出一拍板抗

聲高歌已而談劍術自臂間推出二物展喝之卽二日
劍也躍起在寂頭上盤旋交擊寂驚懼尋爲匣之飲畢
就寢及旦乃空榻也日中復有頭陀來訪夫婦寂具道
其事頭陀曰我亦其人道士能學之乎寂辭曰少尚元
教不願爲此頭陀傲然而笑取寂淨巾拭足徘徊間已
不見矣後再於華陽遇之始知三人皆劍俠云

王鍇字鱣祥



人天復時奉使西川因留蜀官翰林

學士已而遷御史中丞武成二年除中書侍郎同平章
事永平元年高祖作新宮集四部書於中鍇因勸高祖
興用文教上奏記曰伏以羲王演卦神農造書陶唐克

讓是昌禮樂有虞濬哲乃正璿璣禹湯文武功濟天下
故能卜世延遠垂裕無窮逮乎六國諸侯力征秦滅墳
典以愚黔首遂使聖人糟粕掃地都盡漢承秦弊下武
尊文蕭何入關唯收圖籍文帝修學校舉賢良海內晏
然興崇禮義景帝躬履節儉選博士諸儒以備顧問麟
書鳳紀填溢于未央玉版金繩克物於秘府班固曰周
稱成康漢稱文景宜哉武宣之世乃從禮官開金馬石
渠之署以議典禮樂置協律之官以分雅鄭公卿大夫
間作于世或紓下情以通諷諭或宣上德以盡忠孝孝
成之世奏御者千有餘篇獻納論思之盛復古罕比世

祖承喪亂之餘龍驤宛葉去暴誅亂拯溺救焚寬以用人明以率下兵革旣息寰海乂寧乃起立太學招致鴻碩羣臣每有奏議必令史官撰集以傳後世數引公卿講論經義夜分乃寐不以爲勞孝明師事桓榮躬親文墨朝誦夜講明達過人孝章崇尚文儒有太宗之遺風常於白虎殿會集羣儒推演乾坤考合陰陽上申聖人下述品物叅於傳記內別六經若披浮雲而覩白日設華鐙而入閭室詔元武司馬班固纂集其事名曰白虎通魏武博覽羣書特好兵法鈔畧書史名曰節要又注孫子十三篇尤好篇詠動爲典則文帝八歲能屬文淹

通古今貫穿經史及居帝位益尚謙和坐不廢書手不
釋卷晉宣博學洽聞服膺儒教當曹氏中微總攝伯揆
萬機之暇未嘗廢卷景文之間咸盡儒術宋高祖豁達
大度涉獵典墳討伐之中亦重文墨文帝廣覽經史雅
善隸書每誡諸子率以廉儉南齊高帝深沈大量清儉
寬厚嗜學好文曾無喜愠常曰學然後知不足余恨無
老成人得與周孔比德兼善草隸有飛動之勢梁武該
博多聞有文武之畧在位冬月秉火執筆手爲皴裂諸
子悉有文藝聚書討閱晝夜忘疲元帝好易韋編三絕
東閣聚書卜四萬卷象脾玉軸輝映廊廡陳武儻雄

不過人窮究兵書耽玩史籍文帝留意經典舉動端雅
後魏道武立臺省興儒學五經各置博士講問如市塾
成於北齊有文林學館周武帝保定中書盈萬卷平
所得裁至五千卷置麟趾殿學士以掌著述隋平陳
之後牛宏分遣搜訪異書經史漸備凡三萬餘卷煬帝
於東都觀文殿東西廂貯書寫正副各五十分爲三
部秘書所掌而禁中之書在焉唐高祖統一區宇刻
暴隋六合宅心四海歸德躬行仁義以息亂階太宗神
睿聖文天資英武嘗在藩邸命博學之士房元齡杜如
晦等一十八人爲秦府僚佐大較儒術廣聚經史及居

帝位隨才擢用於是宏文館皆置學士元宗開元五年
於乾元殿置修書使召學士張說等讌於集仙殿東廊
下寫四部書以充內庫麗正殿名集賢其修書使爲集
賢殿學士自是圖籍不獨秘書省宏文崇文館皆有之
集賢所寫則御書也分爲四部一曰甲爲經二曰乙爲
史三曰丙爲子四曰丁爲集兩京各一本共二萬五千
九百六十卷經庫書白牙軸黃帶紅牙籤史庫書青牙
軸縹帶青牙籤子庫書紫檀軸紫帶碧牙籤集庫書綠
軸朱帶白牙籤以爲分別以大學士專掌之歷代以
有祖述廢置沿革或有差異今但畧舉帝王故事

入秘書之職幸冀垂覽焉乾德中錯與庾傳素同爲宰相是時韓昭潘在迎輦日導後主宴遊無度而錯等無所匡救依違而已及後主東巡還自閬州浮江而下糜費不貲羣臣多有直諫者錯方判六軍諸衛事從後主周遊不能拂衣去位唐師入成都李昊草降表上軍門而降書則錯實爲之錯至洛陽唐授以州刺史錯與諸臣上表乞後主骸骨歸葬蜀山有云生爲萬乘之君死在匹夫之手不允人頗稱之錯家藏異書數千本多手自丹黃又親寫釋藏經若干卷每趨朝於白藤擔子內鈔書書法絕工其好學亦有足取者

庾傳素仕高祖起家蜀州刺史累官至左僕射兼中書侍郎同平章事天漢元年爲宦者唐文展所譖罷爲工部尚書未幾改兵部後主卽位加太子少保復兼中書侍郎同平章事傳素再秉國鈞無顯績國亡降唐授刺史傳素領蜀州時有唐興縣郎吏楊會者事傳素甚謹及傳素爲相除長馬以酬之會堅辭曰會之吏役遠近皆知忝冒爲官寧掩人口且捨數千家供待而博一虛名長馬無益也時人稱其有識論曰張格援立寵嗣深結宮闈於大臣有慚德焉許寂溫而儒素王錯淹洽而有文黼黻太平宜矣迺社稷